



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorum Omnium Generalium Et Provincialium Collectio Regia

Ab anno DCCCCX. ad annum MLXXIII.

Parisiis, 1644

II. De aetate episcopi, abbatis & diaconi ordinandi.

urn:nbn:de:hbz:466:1-15625

- 572 VICTOR P. II. CONCILIVM HENRICVS IV. IMP.
HENRICVS I. REX FR.
- IX. *Vt laici res defunctorum suscipere non audeant.* XII. *Vt adulteri & incesti pænitentiant.*
X. De iure episcoporum in ecclesiastis subiectas. XIII. *Vt hereticorum & excommunicatorum societatem cuncti fugiant.*
- ANNO CHRISTI
1056.
- XI. *De iure ecclesiarum.*

P R A E F A T I O.

ANNO incarnationis dominicæ millesimo quinquagesimo sexto, Idibus Septembris, habita est sancta Synodus decem & octo episcoporum apud urbem Tolosam, iussu domni papæ Victoris, qui ob funditus extirpandam simoniacam heresim, ac reparandum sanctæ ecclesiæ statutum secundum priscorum scita Canonum, vicarios vice sua direxit Rambaldum Arelatensem, & Pontium Aquensem archiepiscopos, qui adiuncto sibi Vvifredo Dei gratia Narbonensi archiepiscopo, aliisque coepiscopis certarum urbium sancti Petri auctoritate & prænominati papæ iussione, sanctorum patrum... sequentes, hæc in prouinciis Galliæ atque Hispaniæ perpetim obseruanda æstimauerunt.

C A P I T V L A.

I.

Si quis episcoporum accepta quocumque modo pecunia ordinauerit episcopum, abbatem, presbyterum, diaconum, aut quemcumque alium, qui numeratur inter clericos, ipse gradus sui subiaceat periculo: & qui sic ordinatur, nullum habeat fructum ex huiusmodi mercimonio, sed sit alienus eius dignitatis & ordinis quem per pecunias acquisiuit.

II.

Item placuit confirmare, sicut scriptum est, vt episcopus vel abbas presbyter ante triginta annos, diaconus vero ante vigintquinque non ordinetur, nisi aut studio sanctitatis aut sapientiæ ornati,

ANNO
CHRISTI
1056. prouidentia episcopi simul & cleri promoueantur,
& eadem ordinatione fiat, nisi temporibus secun-
dum Canones statutis: aliter quidem irrita fiat or-
dinatio.

III.

Dedicationes item ecclesiarum eadem sancta
Synodus per pecunias fieri nullatenus voluit.

IV.

Item placuit, vt nullus clericus, vel monachus,
vel alias aliquis, pro eis episcopatum, vel abbatiam,
vel presbyteratum emere præsumat. Sed neque
comes, vel alia vlla potestas, eadem vendere aut
precium pro eis accipere audeat. Quod si quis hoc
transgressus fuerit, nisi resipuerit, & digne satisfe-
cerit, communione priuetur.

V.

Statuit item sancta Synodus, vt si quis clericorum
adipiscendæ abbatiæ causa monachus effectus
fuerit, in abbatia quidem monachus permaneat,
sed ad ipsum honorem, ad quem spirabat, nullatenus
accedat. Quod si præsumperit, excommuni-
cetur.

VI.

Item decreuit, vt abbates curam monachorum
& monasteriorum exerceant, & eis victum & ve-
stitum secundum regulam sancti Benedicti præ-
beant, & hoc agentes proprium eos habere nulla-
tenus permittant. Ipsi vero monachi absque volun-
tate abbatis præposituram aliquam non teneant.
Abbas autem vel monachus has institutiones cor-
rigentes a propriis corriganter episcopis.

Cccc iij